

## TEKNOLOGIA

# Komentokrazia



DIANA FRANCO EGUREN

Sare sozialetan badira zenbait pertsona eragin gaitasun handikoak. Jarraitzaile ugari dute, eta euren iritzia egiazat hartzen dira. Askok, ordea, egia barik, interes propioa edo klase baten interesak iraunkortzea bilatzen dute. Ameriketara komentokrata deitzen zaie. Alegia, eremu digitalean iruzkinen bidez errealtatea euren komentuziara manipulatu, desitxuratu eta moldatu bizimodua irabazten dakien elitea. Lan horretan dihardutenek Interneteko plataforma masiboa dute lan eremu, eta euren egitekoa da gutxi batzuei komentuziaren errealtatea sortzea; euren burua libretzat duten morroiak dira. Berba ez da berria, baina nik orain dela gutxi eza-gutu dut. Espainieraz hitz egiten duten Ameriketako herrietan aspaldi erabiltzen den hitza da. Munduko beste toki askotan bezala, han ere Internet da pertsona askoren informazio eta ezagutza iturri nagusia. Komentokratak izan ohi dira informatuta dauden itxura eman nahi duten pertsonak, baina berdin die esaten dutena egia den edo ez. Haien iritzia aintzat hartzea bilatzen dute, eragin esparrua eta boterea handitzeko, horrek ematen die-lako darabiltzaten plataformetan sortzen dituzten edukiak monetizatzeko aukera, eta eragiten ari diren botere politikoen eremuetan bezero berriak aurkitzeko ahalmena handitu dezakete.

Komentokratek ez dute zorrotasuna bilatzen, emozioetatik tiratzen dute, ez dira besteen ikuspuntuetara irekitzen, ikasi dutelako beren lana errentagarri bihurtzen polaritatean eta algoritmoen menpean. Egun, badakite pertsona askoren arreta plataformetan dagoela, eta edukiak kontsumitzeko modu berriek, berehalakotasunera lotuak, ez dietela tarterik uzten kontrasterako eta hausnarketarako. Horregatik, sorturiko desinformazioaren aurrean inolako aitortzarik gabe, berri bat beste batekin kateatzen dute, errealtatearen ikuspegi lerratua sortuz.

Jokabide berriei izena jartzea interesgarria da, bizi dugun errealtatea hobeto ulertu dezagun. ●



## ARGIAK ALDIZKARI BERRI BAT ABIATUKO DU MARTXOAREN 30EAN: BIZI BARATZEA ORRIA

Urtaro bakoitzean zabalduko da, Lurrari buruzko edukiak ekarriko ditu eta formatu oso berezia izango du, barnean poster handi bat duena. ARGIAkoek astekariarekin batera jasoko dute doan, eta gainerakoek oraintxe dute aukera Bizi Baratzea komunitatekoak edo ARGIAkoak egiteko, webgune honetan: [eginbizibaratzea.eus](http://eginbizibaratzea.eus)

## GORABEHERAK



### Emakume bat lehen aldiz Lantzeko Ziripot pertsonaia izan da.

Lantzeko inauteri txikien kalejira ikusle guztien begietara urtero modukoa izan zen. Txatxoak, Zaldiko, Ziripot eta Miel Otxin herriko ostatuak ganbaratik jaitsi eta herritik barna bira egin zuten txistularien laguntzarekin. Askok, ordea, ez zekiten une historiko bat bizitzen ari zirenik.

### 2024an Euskal Herrian estreinatutako 900 filmetatik bi baino ez dira euskaraz izan.

Pantailak Euskarazek eta Hizkuntz Eskubideen Behatokiak aurkeztu dituzte datu "kezkarriak". Euskaraz eskaini diren estreinaldi kopurua ez dela %1,6ra iritsi ondorioztatu dute. Erakunde publikoei eskatu diete "herritar guztien hizkuntza eskubideak" zinemetan ere babesteko neurriak hartzea.

